

1941



1945

Ассаламу аьлайкум, дустал


12+

«ЗАРЯ»

Нюжмар
5 май
2023 ш.

№20 (9441)

www.zaria-online.ru
gazetazary@mail.ru



ХХЯХЖА БАРГЪ

Лакрал райондалул кказит. Ита бакълай 100-сса шин.



Лак - дяъвилул шиннардий

1941 шин. Июньдалул 22. Хъун дяъви байбихъусса кьинива Гъумук ва шяраваллаву хъуну дур чIявусса агъалий бавтIсса митингру. Военкоматрайн букIлан бивкIун бур хушрай аьрайн гъанну тIссса аьрзарду.

Гьарца ярагъ бугъан шайма Ватан дуруччин, ливчIми къари-къужа, оьрчIру кьинттуллух хъхъуния кьини дурну зий, цимурца фронтран дачин дурну.

ЧIявусса лакрал кулпатирттава цимиягу жагъил дяъвилин лавгсса бур. Масала, Гъумучиял Къанаевхъал кулпатрава 5 уссу, Тгюртахаьа 6 уссу лавгун ур. Миннал ссу СултIанат 1942 шинал медучилищалува лавгун бур Симферопуллал госпитальданий зун.

Уку-укунсса мисаллу цаймигу чIявуссар.

1941 шинал августрайн биянинисса чIумуву Буттал кIантту буручлай бивкIун бур 1,5 азара лаккучув, дяъвилул шиннардий аьрай талай бивкIун бур 6 азаруния ливчусса лак, минная 3 азараксса зана хъуну бакъар. Душмантурал цалчинисса гъужимирттайн данди бавцIуну, Брестрай жанну дуллуссагу бур лакрал виртавраву.

Дяъвилул цIараву къучагъшивуртту ккаккан дурсса дагъусттанлувттал хъинну чIявури.

56-ннал Виричунал Мусил цIуку лавсхъурча, миннаву 4 Виричу лаккучу ур.

Шала дунияллийх цIа дурккунни кIийла Виричу

хъусса АхIмад-хан Султаннул, цалгу 602 аьралий леххавуртту дурну, 150 гъаваллаву талатавриву цалагу 30 душманнал самолет дуртсса, цайминнацалгу -19.

1942 шинал дяъви гъан хъанай бивкIун бур Дагъусттаннал дазурдайн. Жула райондалул ялтгугума душманнал самолету лерхсса ишру дакIнин бичлан бикIайва.

Мюхчаншиврул цIакъшивуртту дуллан багъну бур Терек, Сулакь неххардил, МахIачкъалаллал, Къаякентуллал лагмасса ва цайми аьршарай.

Лакрал гьарца шяраваллал хъами-оьрчIру, бугъарасса къужри 1942 шинал зий бивкIун бур Къаякентуллал, Эрпиллал, Ленинкентуллал дазурдайх мюхчаншивуртту дуллай. ХIасил, чIявуми фронтран кумаг баврил сиптарду бачайсса бивкIун бур хъхьичIва-хъхьичI Лакрал райондалия. Хъунисса кумагру фронтран бувну бур арцуину, къай-къуйлийну, лахху-ликкулину, дукиялийну, арцу-мусийну ва м.ц.

Масала, Дагъусттаннал мюхчаншиврул фондрал дартIсса 25,7млндалия, 14млн. бавтIун бур лакрал.

Ца-кIива мисал буцирчагума, ЧукIуннал жяматрал

дуллуну дур 10 азара, Карашрал -30 азара къуруш. 1943 шинал фронтран кумагран райондалия гъан дурну дур 185 центнер къалмул.

Царагу шяраваллил агълу къаливчIун бур Ххувшаву гъан дан арцу-мусий, арцу, янна-ус къадуллусса. Дагъусттаннай цинярдагу дартIун дур 350млн арцул. МиннуцIух бувну бур танкардал дивизия, эскадрилья, «Пионер Дагестана» авиазено, 5 бронепоезд. «Шамил» тIссса танкардал колонна дан райондалул за-

хIматкашнал дуллуну дур 1млн ва 151 азара къуруш, «Лакрал колхозник» тIссса эскадрилья бан 1млн ва 750 азара къуруш.

Карашатусса МахIаммадул ва Къукниятусса Оьмар Къурбановхъал дуллуну дур 90 азардарду, Къубиял МахIаммад ХIасановлул -85 азара, Щардал Мяммабуттаев Абачарал -100 азара, Гъумучиял Уммукусун Балугъовал -4500 къуруш ва м.ц.

Ми иширттайн бувну Дяъвилул мюхчаншиврул фондрал, хасну И.В.Сталиннул чулуха цимилгу дуркIун дур барчаллагърал телеграммарду.

Лакрал район шамийлайкъ хъуссар ПаччахIлугърал Мюхчаншиврул комитетрал ЯтIул Тугълин, му муданма ливчIссар жучIава.

КIулсса куцуй, фашист Германия Совет Союзрайн лавмартну, дяъви буллалисса баян къабувну ххавхун бивкIукун, чарабакъа аьркинну бивкIун кутIасса чIумува билаят душманная буруччаврин щаллуну кIура баян бан. «Гьарза фронтран! Гьарза Ххувшаву ласун» тIссса оьвчаву оьтту ттурчIавун дурххун дур Совет халкъуннал, миннал оьрмулул мяънану хъуну дур.

Вана, хIакъинусса кьинигу жула билаятран багълай бур Украиннал, Европанал хIукуматирттал душманшивурттая буручлан, миллатирттал мюхчаншиву, тархъаншиву ядуллан. Украиннаву бан багъсса аьралий операциялуву къучагъталну гьуртту хъанай бур лакрал талаталт, пишакартал, чIявучи хIала

бувххун бур миккун кумагру буллай, аьркинмур дузал дуллай, талаталтрал дакI хъунмур буллай. Миккугу дагъусттанлувттурал, лакрал къучагътурал чIалачIи буллай бур Ватан дуруччин хIадурну бушиву, аьралий ишру лахъхъаву, душманная хIучI къаучаву.

Украиннаву дяъвилул хасъсса операция наниссаксса хIаллай Аьрасатнал Виричунал бюхттулсса цIа лурсунни 6 дагъусттанлувнал.

Миннаву бур: НурмахIаммад ХIажимахIаммадов (Аьпа баннав цал), генерал майор Эседулла Абачев, Энвер Набиев ва Руслан Къурбанов, Михаил Абраменко (Аьпа баннав), Шамил МахIаммадов (Аьпа баннав).

Жува пахрулий буссару укунсса къучагътурая. Вайнналли яла асар хъунмур эбрат дулайсса ялун нанисса никيران. Цимиягу лаккучув лайкъ хъунни, мукуна личIи личIисса аьралий орденнан ва медаллан. Мукумминнал аьдад хъунна хъанай дур.

Бухлаганнав дяъвирду! Дунияллий дакъаву хъуннав!

ЦучIав хъама къаивтссар

Ххувшаврил Парадрай гьуртту хъума

Наслу-авладран хъамабитан къабучIиссар 1941-1945 шиннардий Буттал кIанттул цIанисса Хъун дяъвилул захIматшивуртту ккарксса, ми дурхIусса виричусса цала ппухълу ва тгатгахъул. Вайксса шиннардий тIиртIусса ссавнилу оьрму бутан бюхъаврихлу жува гайнайн барчаллагърай бикIан аьркинссару! Дяъвилул циняв ветерантурал хъхьичI бакIру къус дитлатиссару. жанну харж дурмигу абадлий хIурматрай личIантIиссар...

Аьлишаев ХIусайнбаг АьвдуллатIиплул арс увну ур 1914 шинал Ххюлусмава хъузала кулпатраву. 1939 шинал МахIачкъалалив техникумраву (финансово-экономический) 3-мур курсрай дуклакисса га октябрьданул 15-ний Лакрал военкоматрал гъан увну ур ЯтIул Аьралуннаву къуллугъ бартбигълан.

Цал ХIусайнбаг агъну ур баргълагавал чулухсса битултрал 78-мур полкравун

ттупанг битуну. 1940 шинал июньдалия 1942 шинал апрельданин га ивкIун ур битултрал роталул отделениелул командирну. Гания махъ дяъви къуртал хъунцIа -Суворовлул ордендалун лайкъ хъусса ЯтIул тугъгу буллусса Сивашрайсса битултрал 417-мур дивизиялул цурдалу личIи дурсса 223-мур разведроталул старшинану.

Цалчин талатавурттаву га гьуртту хъуну ур Орёл-



С Днем Победы!

лал - Курскаллал ккуртлул. Гихунай - Украина, Польша, Венгрия тархъан буллалисса, Берлин ласласисса талатавурттаву. Дяъви ХIусайнбаглул къуртал бувну бур Германиянаву.

Фронтрая цала ниттичIан 1943 шинал июльданий чивчусса чагъарданий бур (Ахир 2 лаж.)




Ххувшаврил Парадрай гьуртту хьума

(Дайдихьу 1 лаж.)

укунсса махьру: «На ххуйну ура. Хьунмасса хлаллай вичлан чагьар чичин къавхьунни, члун диял къахъанай. Фашистал ххит булла, хьхьичлунмай най буру,



почта жул хьирив лаллай бакьар, чичинсса члунгу къаличлай. дадай, ххари хьу, ттун ккаккан дунни жула Ватандалул яла лараймур бахшиш дулун. Ина ххирасса вил арс Хлусайнбаг. Июль, 1943ш».




Циван къадуллуну лирчлссарив ганан Совет Союзрал Виричунвал цла - шинчлав къаклулли. Дяввилул шиннардий га лайкъ хьуну ур укунсса бахшиширтан:

- Ятлул цлукул орден;
- Буттал кланттул цланисса Дяввилул клира орден - цалчинмур ва клилчинмур даражалул;
- Медаль «Къучагъшиврухлу» («За отвагу»);
- Медаль «1941-1945 шиннардийсса Буттал кланттул цланисса Хьун дяввилул ххувшаву ласаврихлу».
- Дявви къуртал хьуну махъ дуллусса Ххувшаврин 20 шин бартлагаврин хьсса медаль.

Московлив Ххувшаврил Парад дан хладур хьа-

нахьини, хлсавравун ласлай бивклун бур муниву гьуртту хьунтлиминнал дяввилул дурсса къучагъшивуртту дакъасса, миннал чурххал, симандалул члалачингу - му ххувшаву ларьсса талатала куна члалай иклавугу, чурххал 170 сантиметралул лагьсса къаиклавугу... Хлусайнбаг чурххалгу, цлакъшиврулгу, пикрирдал-аькьулугу циняр тлалавшиннан авкъусса ивклун ур. муниату лайкъ хьуну ур Ххувшаврил Парадрай гьуртту хьун.

Московлив гьан уллалани, мукунсса хлурматран лайкъ хьусса ганан пикривагу къабивклун бур, тийх цанма багьантлшиву гьарца къини ацл-ацлра сьятрай къюкьрай занан, Ятлул майданлай шанна ва дачли минутрай низамрай ачин укканнин. Амма ганан цанма ккаккун бур тикку фашистурал ттугьру Ленинул мавзолейрал хьхьичл ччанналун бичлачисса куц, дачлурдал члурдашал.



Аьралуннава итаакъайхту, Хлусайнбаг Аьлишаев занакьуну ур бутгал шьравун Хьолусмав. Цала оьрмулун махьра махьсса къининин, 1974 шинайнин зий ивклун ур М.Горькийл цланисса Хьолусуннал колхозраву укунасса колхозникну, ревизия байсса комиссиялул членшивугу дулла. Дяввилул цанма ккаккуну буслан ганан къаххирая. Оьрмулун му бутла, ккарксса оьккисса макл кунна, хьамабитанмур буллан иклайва.

Хлусайнбаг Аьлишаев жул дакьурдиву личлантлссар хлакьса Виричун куна! Хьамамабитари Ватан дуручлай бивклими.

Аь. Магьдиев..

Разведчиктурал талатаву баклуин дурккуна

Му клану бия Польшанал дазучла, Вольн-скаллал областьрайсса Луцк шагьрулия къиблалул чулухунмай 10 километралул манзилданий. Му къини Якъув Сулайманов ттупру ххюрхху буллалисса бурттигьуну къаивтуна. Га ххуйну игьалаган аьркинну бия, гьунтгий ттупангру битлай ххуйсса ккаккиартту члалачли даншиврул. Полкираву га ккалли айва ца яла ххуйма битуну.

Баклрацл Якъувлул бивхьуна цала къай-къуй дидьайсса къуцуру, чларавгу -ттупанг. Жиплува бувккуна чливисса члаплив дичай календарь, ххал бувна, цуксса хлал ливчлун бурув цанма аьралуннаву къуллугъ бартбигьлан. Ттигу тамансса хлал ливчлун бия. Аьралуннаву га гьан увна 1941 шинал мартрал ахирданий. Най бия июнь барз. Шинельгу ялун дуртун, га шанан ивкьуна...

Сулайманов Якъув Махлламадаьлил арс увну ур 1921 шинал майрал 15-ний Ставрополлал крайрайсса Ладовская станциялий. Ганал ппу -къалайчи ивклун ур, нину чувчлав зий къадирклун дур. кулпграву га ца акъа, цамур оьрчл къабивклун бур. Ганал ппу 1918 шинал, 20 шинал оьрмулуну цанма ччатл ляхълан дагъусттанная лавгун ивклун ур, га члумал ккашилсса оьрмулун замана буну. Арс увну шанна шин шайхту, Махлламадаьли щарссанищал ва оьрчлащал Гьумукун зана хьуну ур.

Якъув ивклун ур цлулуну хьуна хьанахьисса аькьлу хьуса оьрчл. Школайигу оьккину дуклай къаивклун ур. Амма, дукланниал, зун ххирасса ивклун ур. Муниату, 15 шин шайхту, зун лавгун ур къатлул къай дайсса фабрикалийсса тланнул устарначлан. Клора шинаварив, Лакрал театрдуву зун ивклун ур декорациярду дулла.

1941 шинал дайдихулий ганачлан военкоматрая повестка дурклун дур, увцун ур Ятлул аьралуннаву къуллугъ бартбигьлан.

...Шанашисса Якъув хьачлрайн щилай чантл учин увну ур. «Тревога... Бизияра!» - тлисса члу бавну бур. Мукун байбихьун бур дявви... Талатавурттугу дулла, гайннал батальон махьунмай най бивклун бур.

Яла га разведкалувун гьан увну ур. Группалул хьунаману фронтрал дазул тихун ясир угьан гьан байсса бивклун бур разведчиктал. Цал гай цивппа ясир бувнугума бур, амма ливхьуну, цаламинначлан буккан бивхьуну бур. Клийла ганайн щавурду дирну дур. Ца-клива зуруй хьин хьанайгу ивклун, аьра-



Полкрал политрук члунчлумух лахьну оьвтлий ия: «Хьирив лаера, хьирив лаера! Ттупащалсса талаталт члумуй биян аьркинссар гьинттул ттупру битлан лахьхьайсса кланайн».



луннавун талан зана шайсса ивклун ур.

Дурклун дур 1945 шин. Мартрал байбихулий разведка дайсса Якъув Сулаймановлул къюкьлуин тапшур бувну бур, увгьуну немецнал ясир, анаварну иян анштабрийн. Му иш хьуну бур Пиллау тлисса шагьрулия арх бакъа. Ганал личли увну ур ряха талатала (таржумачигу хлалану), ларсун дур гьарцаннал куллардащалсса шан-шанна автоматрал диск. Гьарцаннахьхьун дуллун дур кли-клора гранатагу. Тапшур бувмур битгур бан миннал члири къюкьа дурккун дур маркчланный.

Тлайлабацлу хьуну бур. Бувгьуну бур шама немецклия солдат ва унтер -хлалписар. Цлухху -бусу буллан биклайхту, хлалписарнал бувсун бур, цала частирдаву тагьар захлматсса душиву, солдатгьуртан тамансса гьира левщувиву. Разведчиктурал маслихлат ккаккун, къаст дурну дур, хлучарду

члывусса батлиншиврул, ялагу шагьрулул чулухунмай бачин. Ца талатала къаивтун ур бувгьусса клия солдатнащал, хлалписардив цацала увцун ур. Ганал ххуллу ккаккан бан аьркинну бивклун бур. Амма, ялун ци бучлантлссарив разведчиктуран клулну бивклун бакьар. Шагьрулул зуманив чарттал члирал тийхсса майданнив гайннан ккаккун бур члывусса немецтал. Гайннал хьхьичл ихтилат булла ивклун ур полковник. Ясир увсса унтер-хлалписарнал таржумачинайхчлин бувчлин бувну бур: «начальник ур солдатгьуртал дакьру къанкъа дулла, къучагъшивуртту дулла. Тавакью булла ур сивсуну биклан, совет аьралуннал клунттихьхьун къалаглан».

-Цлана жува тай ххал банну, цуксса сивсусса бурув, -куну бур лагьну Якъувлул.

Ганал амру бувну бур разведчиктуран тийх-шийх бацлан. Яла ка галай дурну дур цлу душин.

Фашистал, чаш бувккун, цааххандарал хьуну бур. Ливтлуми, щавурду дирми къатл хьанан бивклун бур. Ивклуну, агьну ур полковникгу. Мукун ясир бувну бур немецнал 500 солдат ва къуакьсса хлалписар. Разведчиктал цивпагума вихъахьанай бивклун бур -5 солдатнал, старшина Якъувлул каялувшиврулу, ясир дурну дур душманнал щаллусса гарнизон. Увгьусса майор махъ гайнахъ тлий ивклун ур: «Ттун ххай бия члирттал къатлул щаллусса армия бусса».

Мукунсса къучагъшиву дурну, циняв разведчиктал лайкъ хьуну бур Ятлул Цлукул орденнан. Якъув Сулаймановлул тлурча дуллуну дур Совет Союзрал Виричунвал цла.

Дяввилул шиннардий дурсса къучагъшивурттах ганан дуллуну дур Ленинул орден, Октябрьданийсса Революциялул орден, 2-мур ва 3-мур даражалул Бюхттулшиврул (Славы) орденну, Буттал кланттул цланисса дяввилул 1-мур даражалул орден ва чларысса медаллу.

Дявви къуртал шайхту, Якъув усса полк СССР-данин занавивтун, Брестливсса къалалин бувтун бур. Му бацлан бувну бур Березы тлисса шагьрулий. 1946 шинал июндалий га аьралуннава итаавкьун ур.

Гания махъ Якъув зий ивкисса кланттурдая тамансса чивчун буссар.

Ва дуняйлия Я. Сулайманов лавгунни Махлчкъаллив 2014 шинал оьрмулун 94-мур шинаву.

Ж.Аьлиев.

Микку ххалбигъин лавсун бия 6 масъала.

Му дачин дунни АТК-лул председатель, райондалул бак1чи Юсуп Мах1аммадовлул. Гьуртту хьунни АТК-лул члентал бакъассагу, шярваллал администрациярдал бак1читал, школарттал директортал, цаппара идарартай, организациярдай каялушиву дайми ва м.ц.

АТК-лул бат1авугу тиртуну, Юсуп Мах1аммадовлул бавт1цири к1ул бунни кьинилул масъалартащал, ми ххалбигъин рязи хьунни АТК-лул члентал.

Хьхьич1 махъ лахълай ванал бувсунни гъашину утгин дуршиву 4 пландалийсса масъала ххалбигъусса, ца АТК-лул бат1аву.

Хьунмур ургъил буллай бивк1шиву 2021-2023 шиннардил райондалул цац1усса АТКлул программа, мира шиннардил РФ-лул РД-лунсса цац1усса план биттур даврих, ч1явучи бат1айсса, оьрмулун агъамшиву дусса, полициялул буруччин аьркинсса объектру буруччаврих, мукунсса к1антурдай нигъач1аву къадик1аврил паспортру баврих. Вай масъалартту ххалбигъушиву АТК-лул бат1аврий.

АТК-лул члентал хьунабакълай, террор-экстремизмалин кьарщисса давуртту най дирк1шиву шярваллаву, школартай, халкъуннащал.

Вай иширттаясса макъаларду дуклай дирк1шиву

АТК-лул ирглийсса бат1аву

Нанисса шинал апрельданул 27-ний райадминистрациялул совещанияртту дай къатлуву хьунни «Лакрал район» МР-дануч1асса АТК-лул ирглийсса бат1аву.

«Хяххабаргъ», «Илчи» кказитиртай.

Мунищала, хьуннасса къулагъас ххидан душиву жагъилтуращал, дуклаки оьрч1ащал дуллалисса профилактикалул давуртта, кумаг буллан жагъилтал давурттал щаллу бавриву, пиша лахъхьин бавриву, ми шярваллил хозяйство-лун к1унк1у бавриву. Микку ч1арав бац1ан аьркиншиву СПКрдану ва м.ц.



Хьирив, цалчинмур масъалалин буну, 2021-2023 шиннардил АТК-лул план биттур даншиврул цукунсса давуртту дурссарив бувсунни «УО-рал» начальник Т.Мах1аммадовлул ва «ИТК, МПСТ, ЦБС» МКУ-лул директорнал зам.

М.Х1усмановлул.

Килчинмур масъала бия «К1амахъаллал сельсовет» МО-лий террор-экстремизм-лул идеологиялин кьарщину, ДНД-сакин давриву, АТК-лул х1укмурду биттур бавриву ци-дурссарив бусласисса.

Муния ихтилат бунни

К1амахъаллал шярваллил администрациялул бак1чи Р.Ц1аххаевлул.

Шамулчинмур масъалану хьуна майрал байраннал ч1умуву террорданул актру къаданшиврул буруччуну бик1ан аьркиншивриясса.

Муни буну МВД-лул

«Лакский» МО-лул ци давуртту дуллалиссарив, ци дант1иссарив бувсунни отделданул начальник М.Рамазановлул.

Мукьулчин бия РД-лул АТК-лул, НАК-рал, райондалул АТК-лул 2023 шинал 1-мур кварталданул х1укмурду биттур бавриясса.

Муния бувсунни АТК-лул аппаратрал начальник М.Гадаевлул.

Хьютчинмур масъала бия, закондалин кьарщисса дяъвилул цац1уншавурттал члентурал оьрч1ру, Сирия-наву, Иракнаву бивк1ун махъунмай бивк1миннал оьрч1ру террорданул иширттавуна х1ала къабуххан, ми реабилитировать бан, к1анттул хьун баншиврул дуллан аьркинсса давурттаясса.

Муниягу бувсунни «Лакский» МО-лул начальник М.Рамазановлул.

Ряххулчингу ххалбигъунни дуккавил идарартту тревогалул сигнализациялул, лагмавацца дайгузаннурду (заборду) даврил, связьрал щаллу баврил, буруччаву цац1аву даврил цац1аний дуллалимуния, дант1имуния бусласисса масъала.

Ва чулухуннай дуккавил идарарттай ци тагъар дуссарив бувсунни УО-рал начальник Т.Мах1аммадовлул.

Ххал бивгъусса масъаларттал мяъна цайва-цайва бавц1уну аьч данну кказитрал лажинтирттай.

М.Мусалаев.

СВО

Херсоннал аьрщи тархъан дуллай

Х1усаниев Заур Мах1аммадул арс хушрай лавгун ур Украиннай жула аьралуннал буллалисса дяъвилул операциялий гьуртту хьун. Тийх ва талай ур «Сокол» («Лачин») т1исса батальондалува. Цащала талатиминнал ванайн учай «Кавказ» куну.

Цува тихун гъаврия ва х1айп т1ий акъар, дак1нин ччай, Ватан дуручлай унут1ий. Щаву дирну, ва уссия к1ива зуруй хьин хъанай. Утти ц1унилгу занавк1ун-

ни дяъвилул операция буллалисса к1антурдайн, Ватан дуруччинсса шарт1ру щаллу дуллан. Талай ур Херсоннал чулух.

Заур хъанай ур мукуна хушрай лавгун, тийх талатисса танкардайн кьарщисса отделениелул командир, гвардиялул сержант Х1ажимурад Акаевлул ссурахъу (ваная жу чивчуссия хьхьич1мур, №19 номерданий).

Заурдух шаппа, Дагъусттаннай ялугълай буссар кулпатту, ряхва оьрч1гу.



Заур ур спортсмен, ММА-лул биявурттал дунялул чемпион. Аьрасатнал Федерациялул «Матч-ТВ» канал-данийсса «Тема дур» т1исса программалий Антон Анисимов т1исса канал дачин дурманашал гъалгъа т1ий, уттигъанну ванал бувсуна МОК (Международный олимпийский комитет)-рал жула ва белоруссиянал спортсментал цала паччах1лугърал ттугъгу бакъа, гимнгу къадурцуну гьуртту хъанан ихтияр дулаврих цува цукун уруглай уссарив.

Паччах1лугърай цайва бивхьумургу лайкъну барт-бивгъуну, ц1уллуну -сагъну зана хьуннав Заур буттал улкуйн цала кулпатрач1ан ва оьрч1ач1ан!

Х1.Авлишаев.

Х1.Муркъелинский увну - 115 шин

Эбрат ласунсса аьлимчув

Райондалул библиотекалий хьунни лакку мазраха зий ивк1сса аьлимчув, ДААССР-данул элмурдал лайкъ хьусса ишккакку Х1ажи Муркъелинский увну 115 шин бартлагаврин хас дурсса бат1аву.

Муний бивк1ун бия Гьумучиял школалий 6-мур «а» классраву дуклакисса оьрч1ру. Миннахъ аьлимчувная бусласисса ихтилат бивка библиотекалул зузала Р.Юсуповал.

Ц1ава жагъилну унува Ю.Муркъелинскийлун ч1ярусса к1улшивуртту дуллу дур ганал гъанмачаминнал: шаэр, аьраб мазрай элмурду дурккусса, исламрал шариаьт к1улсса Муркъелинахъал Юсуп-Кьадинал ва ц1адуркксса дагъусттаннал революционер, паччах1лугърал ишккакку, чичу Х1авинахъал Саэдлул.

Увну ур Х1. Муркъелинский Гьумук. 1925 шинал Буйнакскалий къуртал буну бур педагогтал шайсса техникум. Зий ивк1ун ур учительну. 1931-1932 шиннардий дарсру дихълай ивк1ун ур Гьумуксса педагогтурал техникумраву. Зачочныйн дуклай ивк1ун ур Ростовуллал педагогикалул институтраву. 1935 шинал Ростов-на-Донулий къуртал буну бур Ухссавнил Кавказуллал НИИ-лул аспирантура. 1936-1937 шиннардий тиккува зий ивк1ун ур эл-

мурдал хьунма зузалану. 1937-1941 шиннардий т1урча -мукунмасса къуллугърай Ленинградрайсса мазурдил институтраву. 1942-1943 шиннардийрив - Гьумуксса педагогтурал училищелул директорну зий ивк1ун ур, муниву дарсругу дихълай.

Ростоврай пединститутту, аспирантурагу буккайхту, 1935 шинал Х1.Муркъелинский зий айивхуну ур элмулул давуртта Ухссавнил -Кавказуллал таварихрал-лингвистикалул НИИ-луву. Муниву зий унува, 1937 шинал чирчуну дур элмурдал кандидатнал ц1а дуруччинсса диссертация «Лакку мазрал Вихьуллал лугъат» т1исса. Га дирк1ун дур Дагъусттаннай цалчинсса филологиялул кандидат шаврийнсса диссертация.

Дагъусттаннайсса СССР-данул Академиялул филиалданул таварихрал, мазурдил ва литературалул институтраву зий, ганал щаллу дурну дур хьинну агъамсса гъанусса даву - «Очерки по грамматике лакского языка». 1952 шинал муний диссертация чирчуну, хьуну ур Ухссавнил Кавказнаву цалчинсса филологиялул элмурдал доктор.

Шиккува учин, ц1анугу жува ишла буллалисса Х1.Муркъелинскийлул чивчусса «Обрус мазрал ва лакку мазрал словарь» итабав- (Ахир 4 лаж.)



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 682 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный
ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

РЕСПУБЛИКА ДАГЕСТАН
СОБРАНИЕ ДЕПУТАТОВ МУНИЦИПАЛЬНОГО ОБРАЗОВАНИЯ
«СЕЛЬСОВЕТ КУМИНСКИЙ» ЛАКСКОГО РАЙОНА

РЕШЕНИЕ
от 28 апреля 2023 г. №4

Заседания Собрании депутатов МО «сельсовет Куминский».

О принятии отставки по собственному желанию главы муниципального образования «сельсовет Куминский» Лакского района Республики Дагестан Салихова З.А.

В соответствии с пунктом 2 части 1 статьи 32 Устава МО «сельсовет Куминский» и на основании заявления Салихова З.А. от 27 апреля 2023 г. о принятии отставки по собственному желанию, Собрание депутатов МО «сельсовет Куминский»

РЕШИЛО:

1. Принять отставку по собственному желанию главы муниципального образования «сельсовет Куминский» Лакского района Республики Дагестан Салихова Запира Абдулазизовича.
2. Копию решения направить в территориальную избирательную комиссию Лакского района Республики Дагестан.

Председатель Собрании депутатов
МО «сельсовет Куминский»  Ярахмедов А.Я.

РЕШЕНИЕ
от 28 апреля 2023 г. №5

заседания Собрании депутатов МО «сельсовет Куминский».

Об объявлении конкурса по отбору кандидатур на должность главы «сельсовет Куминский» Лакского района и проведении выборов

В соответствии с п. 19. п/п. 2. п. 20 Главы 3 Положения о порядке проведения конкурса по отбору кандидатур на должность главы МО «сельсовет Куминский» Лакского района РД, утвержденное решением Собрании депутатов МО «сельсовет Куминский» от 10.06.2015 года №7 (с изменениями внесенные решениями от 25.11.2018 г. №8), в связи отставкой по собственному желанию Главы сельского поселения и досрочным прекращением полномочий главы МО «сельсовет Куминский», заседание Собрании депутатов МО «сельсовет Куминский»

РЕШИЛО:

1. Объявить конкурс по отбору кандидатур на должность главы муниципального образования «сельсовет Куминский» Лакского района Республики Дагестан (далее - Конкурс).
2. Установить срок приема документов с 3 по 23 мая 2023 года (включительно) с 10-00 до 17-00 часов. Место приема документов - здание районной администрации по адресу: с. Кумух, ул. Сурхайхана, дом.21 (3 этаж, зал для заседаний, тел. 2-42-72, ответственные - члены конкурсной комиссии).
3. Первый этап конкурса провести 24 мая 2023 г. в 11:00 часов в здании администрации сельского поселения.
4. Второй этап Конкурса и заседание Собрании депутатов МО «сельсовет Куминский» о проведении выборов назначить на 5 июня 2023 года в 11 часов в здании администрации сельского поселения.
5. Конкурсной комиссии при проведении конкурсных процедур руководствоваться Положением о порядке проведения конкурса по отбору кандидатур на должность главы МО «сельсовет Куминский», утвержденные Решением Собрании депутатов МО «сельсовет Куминский» от 10.05.2015 года №7 с изменениями внесенные решениями от 25.11.2018 г. №8)
6. Назначить членами конкурсной комиссии по отбору кандидатур на должность главы МО «сельсовет Куминский» следующих лиц:
6.1. Омарова Арсена Улубиевича;
6.2. Магомедов Адама Шахмурадовича.
7. Настоящее решение опубликовать в районной газете «Заря» и разместить на официальных сайтах сельского поселения и администрации Лакского района в разделе «Выборы и конкурсы».
8. Условие проведения Конкурса и образцы бланков разметить на официальном сайте Лакского района в разделе выборы и на официальном сайте сельского поселения.
7. Направить настоящее решение Главе МР «Лакский район» для назначения второй половины состава конкурсной комиссии.

Председатель Собрании депутатов
МО «сельсовет Куминский»  Ярахмедов А.Я.

РЕШЕНИЕ
от 28 апреля 2023 г. №6

Заседания Собрании депутатов МО «сельсовет Куминский»

О возложении исполнения обязанностей главы администрации МО «сельсовет Куминский»

В связи с досрочным прекращением полномочий главы сельского поселения и в соответствии с частью 13 статьи 12 Устава МО «сельсовет Куминский», заседание Собрании депутатов МО «сельсовет Куминский»


РЕШИЛО:

До избрания нового главы сельского поселения исполнение обязанностей главы администрации МО «сельсовет Куминский» возложить на Малладова Гасана Курбанисмаиловича, заместителя главы администрации МО «сельсовет Куминский».

Председатель Собрании депутатов,
МО «сельсовет Куминский»  Ярахмедов А.Я.

Эбрат ласунсса аьлимчув

(Дайдихьу 3 лаж.)



кьун бур му институтраву зузисса ч1умал 1953 шинал. Му словарданий бур 34 000 махь.

Мукуна Х1. Муркьелинский зий ивк1ун ур шко-ларттай дарсру дихьлансса

луттирду, ишла буллансса орфографиялул, терминнал ва цайми лакку мазрал словарьдаха, сайки циняв клас-сирттаву лакку мазрал дарс-ру дихьлансса луттирдаха.

Муницала арх1ал ганал шинну хьуну дур ДГУ-луву дагьусттаннал мазурдил кафедралий каялушиву дул-лайгу.

Халкьуннал образование-лул зузалтраву га хьуннасса сий дусса аьлимчув ивк1ун ур. Лакрал ва Дагьусттан-нал 20-мур ттуршшинардил интелегенциялувугу цинян-нал чул бищунсса давуртту дурсса аьлимчув, ц1анасса жагьилсса никирттан эбрат ласунсса дурккучув хьанай ур.

Р.Х1амзатов увну -100 шин

Конкурс «К1яла кьурукьру»

Апрельданул 26-ний Гьумук оьрч1ал библиотекалий хьунни Дагьусттаннал халкьуннал шаэр Р.Х1амзатовлул назмурду дуккавил конкурс «К1яла кьурукьру». Назмурду усттарну дуккавиву гьуртту хьуна райондалийс-са дуклаки оьрч1ру, к1ива группалийх бавч1уну: 7-10 шинавуми ва 11-17 шинавуми.

Конкурс хас дурну дия шаэр увну 100 шин шаврил тарих-ран. Библиотекалий му тарихран хасьсса луттирдал ва сура-тирттал выставкардугу дурну дия.

Му конкурс сакин даврил мурад бия - Р.Х1амзатовлул чивчумуния, ганал оьрмулия оьрч1ан к1улмур гьарта баву, дагьусттаннал миллатирттал литература ккалан гьира бу-таву.

Р.Х1амзатовлул шеьрирду мудангу ххирар инсантуран. Ганал творчестволул кумаг бай ялун нанисса ник буттал к1ану ххирану тарбия дан.

Гьуртту хьуна клонкурсраву 32 оьрч1. Библиотекалул за-ведующий М.Аьшаевал, конкурс т1ит1лай, ч1а куна гьуртту хьанахьисса циняннан т1айлабац1у. Гьуртту хьанахьимин-нал пагьмулун кыматру бищун, сакин бувну бия комиссия:

Рашкьуева З.А. - ДШИ-лул директорнал зам.

Т1агьирова З.А. -УО-рал методист.

Жамалуттинова М. -культуралул кьатлул директор.

Исаева З. -оьрч1ал библиотекалул зузала.

7-10 шинавуминнал группалуву конкурсраву ххув хьунни:

1 к1ану - И.Абакаров (ДШИ).

2 к1ану -К.Ибрагьимов (Щардал СОШ).

3 к1ану -Ж.Бариева (Хьурттал СОШ).

11-17 шинавуминнаву ххув хьунни:

1 к1ану -З.Х1ажиева (Гьумучиял СОШ).

2 к1ану -К.Оьмарова (Щардал СОШ).

3 к1ану -Н.Гьазиев (Хьурттал СОШ).

Конкурсраву ххув хьуминнан бахшишру ва грамотартту тапшур дурна райондалул бак1чинал зам. Я.Х1амзаевлул. Мунал барчаллагь куна конкурсраву гьуртту хьуминнахь, миннал учительтурахь ва конкурс сакин дурминнахь.

М.Хизриева.

